

Kaofis mo ples
we oli kakae
gras blong
solwota





By Christina Shaw

Kaofis

Oi kaofis oli ol bigfala anamol blong solwota we oli laef long ol ples we solwota hemi hot, klosap long so. Yu save faenem long plante kantri long dipsi blong India mo Pasifik, stat long Afrika go kasem Vanuatu.

Oli bigfala : oli save kasem wan longfala blong 3 mita mo kilo blong hem I save kasem 500 kg.


Oi kaofis oli kakae ol gras nomo. Stamba kakae blong olgeta hemi gras blong solwota mo oli kakae plante bitim mak. Oli save kakae 40 kg gras blong solwota long wan dei, evri dei.



Oi kaofis oli pat blong grup blong ol anamol we oli kolem 'mamel', blad blong olgeta hemi hot, mo oli gat bun long bak blong olgeta. Oli defren long plante narafala kaen anamol from we oli bonem bebi mo givim titi long hem. Oli gat lang mo pulum win. Skin blong olgeta i gat sofsof hea, blong kipim bodi blong olgeta i hot, be ol anamol olsem welfis, dolfen mo kaofis, skin blong olgeta hemi smut mo blong kipim bodi i hot oli gat gris we i tik gud andanit long skin.

Ol anamol we oli famle wetem kaofis


Membu blong famle we hemi klosap long kaofis hemi 'manatee' (manati). Igat fofala kaen manati mo oli stap laef long Amerika mo Afrika. Nem we oli givim long famle blong kaofis mo manati hemi Sirenia (misis blong solwota, we i minim kaen anamol blong solwota we hemi gat bodi blong woman mo tel blong fis). I bin gat wan nara anamol blong solwota we hemi klosap famle wetem kaofis, be i moa big, mo nem blong hem i Steller woman buluk blong solwota, be hemi lus finis naoia. Long ol yia blong 1700 kasem 1800, ol man long sip blong karem welfis oli bin kilimaot evri wan afta long 27 yia nomo.



Tel blong kaofis hemi olsem hemia blong welfis. Maot i flat mo raon, i go daon blong mekem i moa isi blong kakae gras blong solwota daon long solwota.



Tel blong manati hemi olsem parel. Maot blong hem i stap go long fored, mekem i moa isi blong oli kakae ol gras klosap long riva.



Yu save se anamol we hemi famle wetem kaofis long graon hemi elefen?


Olfala storian blong siren o misis blong solwota




Oli ting se storian blong misis blong solwota hemi kam long ol siman we oli bin lukim ol kaofis mo ol manati long solwota. Long wei we oli tokbaot, misis blong solwota hemi hafhaf woman, hafhaf fis from tel blong hem. Oli talem se ol misis blong solwota oli naes mo oli gat ol longfala hea we i ron. Yu ting se ol kaofis oli naes olsem ol misis blong solwota?

Ol yia long laef blong kaofis



Wan yangfala woman kaofis hemi save gat bel long fas taem taem hemi gat bitwin 4 mo 17 yia. Hemi gat bel long wan longfala taem blong 13 kasem 15 manis.



Ol kaofis oli save gat pikinini evri 2 kasem 5 yia. Hemi dipen long hamas kakae igat long solwota. Sapos ino gat plante gras blong solwota, bambae hemi tekem moa yia blong hemi gat bel.



Taem bebi i bon, bambae hemi stap wetem mama blong hem mo titi long hem klosap 18 manis.



Wan kaofis hemi save laef longfala taem, kasem 70 yia.

Oli tekem **longfala taem** blong gruap mo gat pikinini. Oli gat bel long wan **longfala taem** mo oli givim titi long wan **longfala taem**. Hemia i minim se sapos kaofis i lus taem hemi bigwan finis, bambae i tekem **longfala taem** blong wan narawan i tekem ples blong hem. From hemia nao hemi impoten blong meksua se ol woman kaofis oli no kasem kil o ol man oli no kilim hem i ded, tru long wan akseden o from we oli minim blong kilim

I gud blong gat ol kaofis long solwota blong yumi

Taem igat kaofis, i minim se igat plante ples we igat gudfala gras blong solwota. Ol kaofis oli no save gohed blong laef sapos ino gat gras blong solwota. Sapos igat plante ol kaofis oli stap gat pikinini oltaem, bambae i minim se igat plante gras blong kakae.





Ol turis oli glad blong lukim olgeta long stret ples blong olgeta. Ol kaofis oli gud blong turisim long Vanuatu. Blong lukim wan kaofis taem yu stap daeva hemi wan spesel samting blong ol turis we oli kam spel long ples ia.

Yumi glad blong lukim olgeta – hemi wan nambawan samting taem yu mitim wan anamol olsem, olsem ol boe blong Pango taem oli stap karem swel. Foto blong Feanzer Kalpep



Wanem nao ol denja we ol kaofis oli fesem

Ol kaofis oli stap long lis blong International Union for Conservation of Nature (IUCN) we hemi Red Lis blong ol kaen anamol we oli stap long denja we i minim se maet oli save lus evriwan mo i nomo gat eni kaofis i stap long wol. Namba blong ol kaofis hemi stap go daon long plante ples we oli laef long hem.



Ol kaofis oli nidim gras blong solwota blong kakae. Ol ples we igat gras blong solwota oli stap lus raon long wol. Sapos ol kaofis oli no gat naf gras blong kakae, bambae oli no save laef.


Ol kaofis oli save kasem kil o save ded taem sip o bot i sperem wetem bodi blong hem o plante taem wetem propela.

Long samfala kantri, hemi kastom blong ol man oli stap lukaotem kaofis blong kilim blong kakae. Sapos oli hukum plante tumas, bambae fasin ia hemi putum ol kaofis evriwan long denja, mekem se maet oli save lus mo i nomo gat kaofis long solwota. Sapos yumi ol man yumi stap swim o daeva klosap long ol ples we ol kaofis oli go blong kakae, bambae oli fraet mekem se oli no kam mo hemi putum laef blong olgeta long denja.

Kaofis oli save fas long net we ol man oli yusum blong huk, mekem se oli draon. Bigfala denja bitim mak we oli fesem naoia hemi ol net we oli sakem daon long solwota blong kasem fis we oli swim stret long hem, from ol kaofis tu oli save fas long hem. Narafala samting, ol kaofis oli save fas long ol net, huk o laen we oli stap andanit long solwota, we sip i stap yusum o i bin lego hem from hemi brokbrok.

Wanem yumi ol man yumi save mekem blong helpem kaofis mo meksua se ino gat eni samting we i save spolem olgeta.

- Lukaotem gud ol ples we gras blong solwota i stap gru long hem olsem we buk ia i talem long pat blong hem we i tokbaot gras blong solwota.
- Lukluk gud taem yu stap draeva long wan bot long ples we yu save se igat ol kaofis. Hemia blong meksua se yu no sperem wan long olgeta mo no spolem olgeta taem oli stap kakae. Sapos samfala man olsem ol turis oli wantem lukim kaofis, bambae yu mas mufmuf sloslo nomo, no mekem noes, no ronem olgeta.
- Stopem o daonem fasin blong hukum kaofis. Long plante kantri, ingkludum long Vanuatu, hemi agensem loa blong kilim ded ol kaofis. I nid blong meksua se evriwan i rispektem loa blong helpem ol kaofis blong oli save laef.
- Sapos yu gat net, lukaotem gud, no lego hem, speseli long naet.
- Sapos yu faenem wan kaofis we i fas long net, yu mas lego hem kwiktaem nomo.
- Meksua se yu no lusum eni samting we yu yusum blong huk long solwota, speseli ol net.




Gras blong solwota

Gras blong solwota hemi wan kaen gras we hemi laev long solwota klosap long so. Maet yu bin lukim samting ia klosap long so taem solwota i drae.




Gras blong solwota bambae hemi no laekem sapos igat jenis:

- amaon blong sofmad long wota - from i save blokem laet blong san long solwota.
- long dip - from laet blong san ino kasem lif blong olgeta long dip wota.
- long wota we i hot tumas - from i save bon olsem we korel hemi kam waet
- long amaon blong sol long solwota - from i save jenisim level blong wota insaed long lif.



Gras blong solwota hemi gat ol rus blong hem, hemi gat flaoa, frut mo sid. Lif blong hem i laekem laet blong san mo yusum blong mekem eneji o pawa olsem ol flaoa, tri, kabis long graon.



Gras blong solwota ino sem mak olsem nalam lum blong solwota

Nalam lum

Hemi wan sofsof grin samting we i stap gru long solwota

Hemi no gat flaoa, frut o sid

Hemi no gat string

Hemi no gat rus

Hemi stap olsem nomo long wota o hemi fas long ston

Gras blong solwota

Hemi givim flaoa, frut mo sid

Hemi gat string long lif blong hem we i ronem wota mo kakae igo long ol lif, ol hed mo rus blong hem

Hemi gat rus blong hem mo hemi save pulumaot kakae we i nidim aot long graon

Ol rus oli holem taet hem long san o sofmad




Diagram from "Tropical Connections: South Florida's marine environment" (pg. 250) -
<http://ian.umces.edu/press/publications/374/>

Igat plante defren kaen anamol oli laef long gras blong solwota


Igat fulap kaen fis oli stap long gras blong solwota olsem waetspot piko, mustasfis, blufis, redmaot mo plante narawan.

Gras blong solwota hemi ples we ol bebi fis oli laef long hem kasem taem oli kam bigwan mo go long rif.


Selfis oli laef long gras blong solwota.

Igat ol besdemea, sihos mo stafis.

Oi kaofis mo grin totel blong solwota oli dipen long gras blong solwota blong kakae.



Gras blong solwota hemi helpem kipim envaeromen (mo yumi) hemi helti



Wok blong man i stap putum ol gas long ea, speseli kabon daeoksaed (CO₂), mekem se wol i stap kam hot sloslo we bambae i save mekem se long fiuja solwota i save kam antap mo draonem sam aelan. Mekem se weta i stap jenis, hariken i kam moa strong, mo solwota hemi kam konkon from tumas CO₂.

Fulap ol CO₂ we i stap long ea bambae solwota i pulum i kam insaed long hem. Gras blong solwota i pulum kabon i kam insaed long hem mo putumaot oksijen (oxygen) (O₂). Samting ia hemi help blong daonem wok blong jenis blong weta (wanem oli kolem 'klaemet jenis') mo tu fasin we solwota i kam konkon. Wan eria blong gras blong solwota we hemi helti i save pulum 10 kasem 15 taem moa kabon olsem semfala eria long bus long Amazoni.




Oli ges se gras blong solwota hemi stap pulum 10% blong kabon we solwota hemi pulum long wan wan yia.

Gras blong solwota hemi wok tugeta wetem natongtong mo korel rif

Ol korel rif, ol natongtong mo gras blong solwota oli sapotem graon we i stap long so mo kipim i sef agensem fasin we graon i lus, bigfala wef, tsunami mo hariken.

Evriwan long trifala ia, gras blong solwota, natongtong mo korel rif, i dipen long narawan blong stap helti mo save laef.

- Natongtong i sevemaot sofmad mo kakae blong wota mo sofmad we i ron i kam long graon antap mo hemi daonem fasin we sofmad ia i save spolem mo kilim gras blong solwota mo korel.
- Gras blong solwota i holem taet sofmad mo wef we i strong blong mekem se natongtong i save gru.
- Korel rif i daonem pawa blong wef mo kipim natongtong mo gras blong solwota i sef.




Ol natongtong, gras blong solwota, korel rif mo ol anamol mo fis we oli stap laev insaed, oli yusum ol kakae we i save lus long bigfala dipsi sapos oli no mekem wok olsem. Igat plante defren anamol, fis mo kokias we oli yusum ol natongtong, gras blong solwota, korel rif blong statem laef blong olgeta mo gruap – oli nidim trifala ples ia blong save laef.

Man tu hemi nidim trifala ples ia blong stap helti mo blong meksua so ino gat eni samting we i save spolem ol so blong yumi, blong givim kakae long yumi mo blong daonem nogud samting we jenis long weta i save mekem long yumi. Sapos yumi no gat, sapos oli lus, mbae yumi fesem plante hadtaem.

Gras blong solwota i stap long bigfala denja

Oli ges se bitim haf blong gras blong solwota raon long wol i stap go daon mo 1/3 hemi lus finis.



- Gras blong solwota hemi nidim laet blong san blong laef. Taem solwota i kam tudak from tumas sofmad long hem, mbae i nomo gat naf laet i go long gras. Fasin blong wokem ol lamin, fasin blong huk wetem net we oli pulum biaen long sip mo wota mo sofmad we i ron i kam long graon, ol samting ia i mekem se solwota i kam tudak mo i spolem gras blong solwota.
- Fasin blong digimaot graon andanit long wota, fasin blong bildimap graon long so blong mekem i kam bigwan moa, fasin blong klinim bus klosap long solwota mo antap long medel blong aelan, hemi save kilim ol ples blong gras blong solwota.
- Ol propela mo angka blong bot oli spolem gras blong solwota.
- Wota blong haos mo toelet, doti mo ol narafala samting we yumi sakem oli spolem gras blong solwota.
- Fasin blong setimap ol fam blong fis long solwota i save spolem solwota.
- Nogud weta olsem hariken o wota i kam antap mo kavremap graon hemi save spolem ol ples we gras blong solwota i gru long hem mo jenisim amaon blong sol long solwota mo mekem i kam tudak, we i nogud long gras blong solwota.

Yumi save helpem kipim gras blong solwota i stap helti long fasin ia:

- Daonem sofmad we i ron aot long graon insaed long solwota, eksampol no klinim bus klosap tumas long ol riva
- No letem ol man oli huk long kaen net we oli stap pulum andanit long solwota long botom blong hem, oli digimaot graon klosap long ol ples we gras blong solwota i gru long hem
- Lukaotem gud natongtong mo korel rif
- Lukaot gud taem yu stap draeva long wan bot klosap long ol ples blong gras blong solwota
- Mekem i tabu blong sakem angka long ples blong gras blong solwota
- Klinim sanbij, meksua se ino gat doti istap long sanbij mo long solwota
- Meksua se wota blong haos mo toelet mo narakaen rabis wota o samting olsem ino ron igo insaed long solwota
- Jekem ol ples blong gras blong solwota blong meksua se oli stap strong mo helti oltaem



Naoia yumi save pleplei.... Pleplei mo aktiviti

Yu bin ridim plante samting abaot ol kaofis mo gras blong solwota. Traem blong finisim ol aktiviti we oli stap long nekis pej. Sapos yu no sua long ansa, ridim buk ia bakegen. Evriwan – papa, mama, pikinini – i save tekpat. Enjoem!




Wanem i stap haed long gras blong solwota

Wanem namba blong ol anamol we yu save lukim long ples blong gras blong solwota ia andanit?

Stafis _____ Waetspot piko _____ Totel _____ Kaofis _____


Besdemea _____ Snel _____ Blufis _____




Kaofis Quiz (Kwestin long saed blong kaofis)

Sapos yu bin ridim fas pat blong buk ia, bambae yu save ansarem ol kwestin ia andanit. Sapos yu nomo save stret ansa blong wan kwestin, yu save go bak long fas pat blong faenem! (Ol ansa oli stap long en blong buk)


1. Hamas kilo blong gras blong solwota wan kaofis i save kakae long wan wan dei?
2. Hemi tru o nogat: Ol kaofis oli stap laef long plante kantri raon long solwota blong India mo Pasifik.
3. Woman kaofis hemi gat hamas yia taem hemi bonem fas bebi blong hem?
4. Wanem nao bigfala blong wan kaofis (longfala blong hem mo kilo blong hem)?
5. Hemi tru o nogat: Ol kaofis oli mamel blong solwota, oli pulum win mo ol bebi oli titi long mama blong olgeta.
6. Wan bebi kaofis hemi stap hamas manis o yia wetem mama blong hem?
7. Hemi tru o nogat: Sapos gras blong solwota i lus, ol kaofis oli no kea, from oli save kakae ol narafala samting.
8. Wanem nao ol denja we ol kaofis oli fesem:
 - a) bot i kilim, b) fas long net blong hukum fis, c) busfaea d) ol anamol we oli no blong Vanuatu
9. Wanem kaen anamol hemi klosap memba blong famle blong kaofis?
 - a) buluk, b) pig c) elefen, d) dog
10. Hamas yia bambae kaofis i save laef?



Hamas ansa oli stret? /10






Droem laen bitwin ol poen long pikja ia blong faenemaot hu
nao i stap laef klosap long gras blong solwota



Kroswod blong kaofis mo gras blong solwota

Raetemdaon ol ansa blong ol kwestin long ol waet bokis. Blong givhan, mifala I bin raetem wan ansa long ples blong hem. Sapos yu no save, bambae yu save faenem insaed long buk ia.



Daon:

1. Kaofis i gat _____ we i tikwan andanit long skin
2. Anamol we hemi famle wetem kaofis long graon
3. Ol kaofis oli stap closap long wanem?
4. Fulap ol CO₂ we i stap long ea bambae solwota i pulum i kam insaed long hem. Sapos i gat tumas CO₂ bambae solwota i kam

7. Kaofis i save fas long net we ol man oli yusum blong huk, mekem se hemi _____
8. Sapos yu faenem wan kaofis we i fas long _____ yu mas lego hem kwiktaem nomo.
9. Yu save faenem ol kaofis long plante kantri long dipsi blong India mo Pasifik, stat long India go kasem wea?
11. _____ ino sem mak olsem gras blong solwota.
13. Gras blong solwota hemi gat rus blong hem mo hemi save pulumaot kakae we i nidim aot long _____
15. Buk ia i tokbaot wanem kaen anamol?
17. Gras blong solwota mo kaofis oli stap long bigfala _____
22. Ol kaofis oli save kasem kil o save ded taem wanem i sperem?

Longfalasaed:

5. Ol kaofis oli kakae wanem?
6. Gras blog solwota i gat rus, flaoa, frut mo _____ ?
10. Wan fis we i laef long grass blong solwota?
12. Gras blong solwota hemi wok tugeta wetem _____ mo korel rif
14. Yu save spolem gras blong solwota sapos yu no lukaot gud taem yu sakem _____
16. Gras blong solwota i yusum wanem blong mekem eneji?
18. Olsem wanem gras blong solwota hemi defren long nalamum
19. Blad blong ol mamel hemi hot, mo oli gat _____ long bak blong olgeta
20. Gras blong solwota hemi ples we ol bebi _____ oli laef long hem
21. Memba blong famle we hemi klosap long kaofis
22. Wan nara fis we i laef long grass blong solwota
23. Wan kaofis hemi save laef longfala taem, kasem hamas yia?

Faenem ol stret toktok long saed blong kaofis mo gras blong solwota

Yu ting se yu save faenem ol toktok ia long bokis?

Bambae samfala oli raetem lefsaed igo long raetsaed, sam oli arier (raetsaed igo long lefsaed), sam oli raetem daon igo antap, sam oli raetem antap igo daon, mo sam oli raetem saedsaed daon, saedsaed antap.

A	R	I	B	P	J	Y	N	G	R	I	N	T	O	T	E	L	M
T	T	T	S	O	L	W	O	T	A	I	K	O	N	K	O	N	O
O	W	O	E	R	T	Y	U	I	A	O	P	L	H	U	K	P	L
W	A	A	W	S	D	F	G	J	H	R	U	S	K	J	A	I	F
L	V	K	B	L	N	M	N	M	N	V	L	E	W	D	O	N	K
O	F	U	G	K	O	E	H	J	K	F	P	A	S	I	F	I	K
S	W	L	W	O	D	S	E	B	O	I	I	L	T	P	I	K	O
G	V	T	E	M	D	A	G	I	L	O	U	R	Y	J	S	G	H
N	I	W	M	U	L	U	P	N	E	U	W	T	L	D	F	S	M
O	R	A	D	N	A	T	H	M	O	N	F	H	U	E	A	F	E
L	J	A	K	I	S	B	A	O	A	L	F	I	K	I	R	P	L
B	G	N	K	T	E	R	Y	H	G	V	B	C	S	L	O	O	E
L	L	G	M	I	N	S	B	V	C	L	K	S	I	H	O	S	K
E	O	K	P	A	I	S	D	F	G	H	J	V	A	B	N	M	W
M	U	A	I	F	A	S	L	O	N	G	N	E	T	R	T	R	E
A	R	T	A	Y	N	A	T	O	N	G	T	O	N	G	G	Y	U
M	E	T	B	N	M	L	K	H	E	J	E	D	S	A	P	O	I
W	S	V	C	S	I	N	E	J	T	E	M	E	A	L	K	F	G

SOLWOTA I KONKON
SO

DENJA

KAOFIS

GRAS BLONG SOLWATA

MAMEL BLONG SOLWATA

FLAOA

PASIFIK

KLAEMET JENIS

FAS LONG NET

RUS

ANGKA

NET

KOMUNITI

MELEK

PULUM WIN

GRIN TOTEL

SIHOS

LUKAOT

NATONGTONG


KOREL RIF

HUK

BLUFIS


PIKO

STAFIS



Aktiviti

- 1) Mekemap wan singsing abaot ol kaofis mo gras blong solwota. Mebi wan singsing we i tokbaot fasin we ol gras blong solwota, ol kaofis mo ol man oli pat blong semfala samting we i nid blong kipim i sef blong meksua se yumi evriwan yumi stap helti oltaem – o jusum wan sabjek we yu yu laekem.
- 2) Raetem wan storian abaot laef blong wan kaofis stat long taem we hemi bon go kasem taem we hemi kam olfala. Ingkludum ol defren yia long laef blong hem we oli impoten tumas.
- 3) Mekem wan niufala danis we i tokbaot ol gras blong solwota mo fasin we oli givim plante seves o help long ol man.
- 4) Raetem wan pleplei we i tokbaot hao blong meksua se ol kaofis oli stap sef oltaem. Ingkludum 2 denja we oli stap fesem mo 2 wei blong kipim ol kaofis mo/o ol ples blong gras blong solwota oli helti oltaem.
- 5) Oganaesem wan toktok abaot wan long ol sabjek ia o jusum wan blong yu wan:
Gras blong solwota, natongtong mo korel rif, evriwan i stap help blong kipim ol so blong yumi oli stap sef. Wijwan long trifala ia hemi impoten bitim narawan?
Ol kaofis oli safra from klaemet jenis, be ino hemia we hemi putum olgeta long bigfala denja. Tokbaot.



Jeklis long saed blong ol ples we gras blong solwota i gru long hem

Ol ples we gras blong solwota i gru long hem oli hom blong plante defren kaen anamol, fis, kokias. Blong wokem aktiviti ia i nid blong yu go stret long ol ples blong gras blong solwota we oli stap klosap long haos blong yu mo lukluk wanem nao yu save faenem long we.



Fis

Gras blong solwota hemi hom blong ol fis we oli bigwan finis. I gat hamas defren kaen fis we yu save lukim long we? Gras blong solwota hemi ples we oli pikinini blong fis oli stap gruap long hem. I gat hamas defren kaen bebi fis we yu save kaonem?

Ol anamol we oli no gat bun long bodi blong olgeta

I gat ol stafis oli laef long gras blong solwota. I gat hamas defren kala blong stafis we yu save faenem long we?

Ol besdemea tu oli laef long gras blong solwota. Oli kakae mo sevemaot ol sofmad. I gat hamas defren kaen besdemea we yu save faenem long we?

Kokias, olsem snel mo pupu, oli stap laef long we tu. I gat hamas we yu save kaonem?

Totel


Ol grin totel oli kakae gras blong solwota. Maet yu save lukim sam taem oli pusum hed blong olgeta aot long wota blong pulum win. Bae yu lukim sam?

Kaofis


Yu save luk mak blong ol kaofis long ples we oli bin kakae gras blong solwota. Bae yu faenem eni mak olsem?

Ansa

Pleplei blong faenem ol toktok
abaot kaofis mo gras blong solwota



Kroswod blong kaofis mo gras blog solwota



Kaofis Quiz

- 1: 40 kilo
- 2: Tru
- 3: 4 kasem
- 4: 500 kilo mo 3 mita
- 5: Tru
- 6: Samples
- 7: No tru - Ol kaofis oli dipen long gras blong solwota blong laef
- 8: a mo b
- 9: c
- 10: Seventi yia

Wanem i stap haed long gras blong solwota

Stafis 4; Waetspot piko 4; Totel 2; Kaofis 1;
Besdemea 2; Snel 4; Blufis 2.

This book was written and printed by The Vanuatu Environmental Science Society (VESS) with funding from the Critical Ecosystem partnership Fund (CEPF). The project was supported by The Department of Environmental Protection and Conservation (DEPC), The Vanuatu Fisheries Department (VFD) and the Department of Tourism (DoT) of the Government of Vanuatu.

Acknowledgements: Thank you to Donna Kwan, Nicolas Pilcher and Len McKenzie from the Dugong Technical Group (DTG) of the Conservation of Migratory Species of Wild Animals (CMS) Dugong MoU Secretariat and to Michael Donoghue from Secretariat of the Pacific Regional Environment Programme (SPREP) for technical advice on the content of this book.

Some images downloaded from Ian Image Library (www.ian.umces.edu/imagelibrary/) and created by: Charlene Afu, Catherine Collier, Jane Hawkey, Diana Klein, Kim Kraeer, Tracey Saxby, Jane Thomas, Dieter Tracey, Lucy Van Essen-Fishman and Joanna Woerner.
Front Cover Photograph by Christina Shaw.

